



Præparatio ad Missam.

Indulg. unius anni pro recitatione præter illam quinque Psalmorum cum Versiculis et septem Orationibus annexis, Orationis S. Ambrosii singulis hebdomadæ diebus assignatæ.

(Leo PP. XIII. 20 Dec. 1884.)

Antiphona.

ME reminiscâris *
Dómine delicta
nostra, vel pa-
rentum nostró-
rum : neque vindictam
sumas de peccâtis no-
stris.

**Quæ Antiphona in Festis
duplicibus tantum dupli-
catur.**

Psalmus lxxv.

Quam dilécta taber-
nâcula tua Dómi-
ne virtutum : *
concupiscit, et déficit âni-
ma mea in âtria Dómini.

Cor meum, et caro mea *
exultaverunt in Deum
vivum.

Etenim passer invénit
sibi domum : * et turtur
nidum sibi, ubi ponat pul-
los suos.

Altaria tua Dómine vir-
tutum : * Rex meus, et
Deus meus.

Beâti, qui hábitant in do-
mo tua Dómine : * in sæ-
cula sæculórum laudá-
bunt te.

Beâtus vir, cujus est au-
xilium abs te : * ascensió-
nes in corde suo dispósuit,
in valle lacrymarum in
loco, quem pösuit.

Etenim benedictiónem
dabit legislátor, ibunt de
virtute in virtutem : * vi-
débatur Deus deórum in
Sion.

Dómine Deus virtutum
exâudi oratióem meam : *
áuribus pèrcipe Deus Ja-
cob.

Protéctor noster aspice
Deus : * et respice in fá-
ciem Christi tui :

Quia mélior est dies una
in átriis tuis * super míl-
lia.

Elégi abjectus esse in do-
mo Dei mei : * magis quam
habitâre in tabernâculis
peccatórum.

Quia misericórdiam, et
veritatem diligit Deus : *
grátiam, et glóriam dabit
Dóminus.

Non privábit bonis eos,
qui ámbulant in innocén-
tia : * Dómine virtutum,
beâtus homo, qui sperat
in te.

Glória Patri. etc.

Psalmus lxxv.

Benedixisti Dómine ter-
ram tuam : * aver-
tisti captivitatem Jacob.

Remisisti iniquitatem
plebis tuæ : * operuisti
omnia peccata eórum.

Mitigasti omnem iram
tuam : * avertisti ab ira
indignationis tuæ.

Convérte nos Deus salu-
târis noster : * et avérte
iram tuam a nobis.

Numquid in ætérnum
irascéris nobis? * aut ex-
téndes iram tuam a ge-
neratione in generatió-
nem?

Deus tu convérsus vivi-
ficábis nos : * et plebs tua
lætábitur in te.

Osténde nobis Dómine

misericórdiam tuam : * et
salutâre tuum da nobis.

Audiam quid loquátur in
me Dóminus Deus : * quó-
niam loquétur pacem in
plebem suam.

Et super sanctos suos : *
et in eos, qui convertúntur
ad cor.

Verúmtamen prope ti-
méntes eum salutâre
ipsius : * ut inhábitet gló-
ria in terra nostra.

Misericórdia, et véritas
obviavérunt sibi : * justí-
tia, et pax osculátæ sunt.

Véritas de terra orta est : *
et justitia de cælo pro-
spéxit.

Etenim Dóminus dabit
benignitatem : * et terra
nostra dabit fructum
suum.

Justitia ante eum ambu-
lábit : * et ponet in via
gressus suos.

Glória Patri. etc.

Psalmus lxxv.

Inclína Dómine aurem
tuam, et exâudi me : *
quóniam inops, et pauper
sum ego.

Custódi ánimam meam,
quóniam sanctus sum : *
sálvum fac servum tuum,
Deus meus, sperántem
in te.

Miserére mei Dómine,
quóniam ad te clamávi

tota die : * lætifica animam servi tui, quoniam ad te Domine animam meam levavi.

Quoniam tu Domine suaviss, et mitis : * et multae misericordiae omnibus invocantibus te.

Auribus percipe Domine orationem meam : * et intendente voci deprecationis meae.

In die tribulationis meae clamavi ad te : * quia exaudisti me.

Non est similis tui in diis Domine : * et non est secundum opera tua.

Omnes Gentes quascumque fecisti, venient, et adorabunt coram te Domine : * et glorificabunt nomen tuum.

Quoniam magnus es tu, et faciens mirabilia : * tu es Deus solus.

Deduc me Domine in via tua, et ingrediar in veritate tua : * laetetur cor meum ut timeat nomen tuum.

Confitebor tibi Domine Deus meus in toto corde meo, * et glorificabo nomen tuum in aeternum :

Quia misericordia tua magna est super me : * et eruisti animam meam ex inferno inferiori.

Deus, iniqui insurrexerunt super me, et synagoga potentium quaesierunt animam meam : * et non proposuerunt te in conspectu suo.

Et tu Domine Deus miserator et misericors, * patientis, et multae misericordiae, et verax,

Respice in me, et miserere mei : * da imperium tuum puero tuo : et salvum fac filium ancillae tuae.

Fac mecum signum in bonum, ut videant qui odierunt me, et confundantur : * quoniam tu Domine adjuvisti me, et consolatus es me.

Glória Patri. etc.

Psalmus cxxv.

CRédid, propter quod locutus sum : * ego autem humiliatus sum nimis.

Ego dixi in excessu meo : * Omnis homo mendax.

Quid retribuam Domino, * pro omnibus, quae retribuit mihi?

Calicem salutaris accipiam : * et nomen Domini invocabo.

Vota mea Domino reddam coram omni populo ejus : * pretiosa in conspé-

ctu Domini mors sanctorum ejus :

O Domine quia ego servus tuus : * ego servus tuus, et filius ancillae tuae.

Dirupisti vincula mea : * tibi sacrificabo hostiam laudis, et nomen Domini invocabo.

Vota mea Domino reddam in conspectu omnis populi ejus : * in atriis domus Domini, in medio tui Jerúsalem.

Glória Patri. etc.

Psalmus cxxv.

DE profundis clamavi ad te Domine : * Domine exaudi vocem meam.

Fiant aures tuae intendentes, * in vocem deprecationis meae.

Si iniquitates observaveris Domine : * Domine quis sustinebit?

Quia apud te propitiatio est : * et propter legem tuam sustinui te Domine.

Sustinuit anima mea in verbo ejus : * speravit anima mea in Domino.

A custodia matutina usque ad noctem : * speret Israel in Domino.

Quia apud Dominum misericordia : * et copiosa apud eum redemptio.

Et ipse redimet Israel, * ex omnibus iniquitatibus ejus.

Glória Patri. etc.

Postea repetitur Añã. Ne reminiscaris Domine delicta nostra, vel parentum nostrorum : neque vindictam sumas de peccatis nostris.

Deinde Sacerdos dicit :

KYrie eléison. Christe eléison. Kyrie eléison.

Pater noster.

V. Et ne nos inducas in tentationem. *R.* Sed libera nos a malo.

V. Ego dixi, Domine miserere mei. *R.* Sana animam meam, quia peccavi tibi.

V. Convertere Domine aliquantulum. *R.* Et deprecare super servos tuos.

V. Fiat misericordia tua Dñe super nos. *R.* Quemadmodum speravimus in te.

V. Sacerdotes tui induantur justitiam. *R.* Et sancti tui exsultent.

V. Ab occultis meis munda me Domine. *R.* Et ab aliis parce servo tuo.

V. Domine exaudi orationem meam. *R.* Et clamor meus ad te veniat.

V. Dóminus vobíscum.
R. Et cum spírítu tuo.

Orémus.

Aures tuæ pietátis, mitíssime Deus, inclína précibus nostris, et grátia sancti Spírítus illúmina cor nostrum : ut tuis mystériis digne ministráre, teque ætérna caritáte dilígere mereámur.

Deus, cui omne cor patet, et omnis voluntas lóquitur, et quem nulum latet secrétum, purifica per infusiónem sancti Spírítus cogitatiónes cordis nostri : ut te perfécte dilígere, et digne laudáre mereámur.

URE igne sancti Spírítus renes nostros et cor nostrum Dómine : ut tibi casto córpore serviámus, et mundo corde placeámus.

Mentes nostras, quæsumus Dómine, Paráclitus, qui a te procedit, illúminet : et inducat in omnem, sicut tuus promísit Fílius, veritátem.

Adsit nobis, quæsumus Dómine, virtus Spírítus sancti : quæ et corda nostra cleménter expúrget, et ab ómnibus tueátur advérsis.

Deus, qui corda fídelium sancti Spírítus illustratióne docuisti : da nobis in eódem Spírítu recta sápere, et de ejus semper consolatióne gaudére.

Consciéntias nostras, quæsumus Dómine, visitádo purifica : ut véniens Dóminus noster Jesus Christus Fílius tuus, parátam sibi in nobis invéniat mansiónem. Qui tecum vivit et regnat.

Orationes

PER SINGULOS HEBDOMADÆ
DIES DISPERTITÆ.

DIE DOMINICA.

Summe Sacérdos, et vere Póntifex Jesu Christe, qui te obtulisti Deo Patri hóstiam puram et immaculátam in ara crucis pro nobis míseris et peccatóribus, et qui dedisti nobis carnem tuam ad manducándum, et sánguinem tuum ad bibéndum, et posuisti mystérium istud in virtúte Spírítus sancti tui, dicens : Hæc quotiescúmque fecéritis, in mei memóriam faciétis : rogo per eúdem sánguinem tuum, magnum salútis nostræ prétium, rogo per hanc mi-

ram et ineffábilem caritátem, qua nos míseros et indignos sic amáre dignátus es, ut laváres nos a peccátis nostris in ságuine tuo : doce me servum tuum indignum, quem inter cétera dona tua étiam ad officium sacerdotále vocáre dignátus es, nullis meis méritis, sed sola dignatióne misericórdiæ tuæ : doce me, quæso, per Spírítum sanctum tuum, tantum tractáre mystérium ea reveréntia et honóre, ea devotióne et timóre, quibus opórtet et decet. Fac me per grátiam tuam semper illud detanto mystério crédere et intelligere, sentíre et fírmiter tenére, dícere et cogitáre, quod tibi placet, et expedit ánimæ meæ. Intret spírítus tuus bonus in cor meum, qui sonet ibi sine sono, et sine strépitu verbórum loquátur omnem veritátem. Profúnda quippe sunt nimis, et sacro tecta velámine. Propter magnam cleméntiam tuam concéde mihi Misárarum solémnia mundo corde et pura mente celebráre. Libera cor meum ab immúndis et nefándis, vanis et nóxiis cogitatió-

nibus. Muni me beatórum Angelórum pia et fida custódia, ac tutéla fortíssima, ut hostes ómnium bonórum confúsi discédant. Per virtútem tanti mystérii, et per manum sancti Angeli tui repélle a me, et a cunctis servis tuis duríssimum spírítum superbiæ et cenodóxiæ, invidiæ et blasphemíæ, fornicatiónis et immundítiæ, dubietátis et diffidéntiæ. Confundántur qui nos persequúntur : péreant illi qui nos pérdere festínant.

FERIA II.

REX vírginum, et amátor castitátis et integritátis, cœlesti rore benedictiόνis tuæ exstíngue in córpore meo fómitem ardentis libídinis : ut máneat in me tenor castitátis córporis et ánimæ. Mortífica in membris meis carnis stímulos omnésque libidinósas commotiónes, et da mihi veram, et perpétuam castitátem, cum céteris donis tuis, quæ tibi placent in veritáte : ut sacrificium laudis casto córpore, et mundo corde váleam tibi offérre. Quanta enim cordis contritióne, et lacrymárum fonte, quanta re-

veréntia et tremóre, quanta cörperis castitáte, et animæ puritáte istud divinum, et cœléste sacrificium est celebrándum, ubi caro tua in veritáte súmitur, ubi sanguis tuus in veritáte bibitur, ubi ima summis, terréna divinis jungúntur, ubi adest sanctorum Angelorum præsentia, ubi tu es Sacrificium, et Sacerdos mirabiliter, et ineffabiliter constitútus!

FERIA III.

Quis digne hoc celebráre póterit, nisi tu, Deus omnipotens, offerentem féceris dignum? Scio, Dómine, et vere scio, et idípsum pietáti tuæ confiteor, quia non sum dignus accédere ad tantum mysterium, propter nimia peccáta mea, et infinitas negligéntias meas. Sed scio, et veráciter ex toto corde meo credo, et ore confiteor, quia tu potes me fácere dignum, qui solus potes fácere mundum de immúndo concéptum sémine, et de peccatõibus justos, et sanctos. Per hanc omnipoténtiam tuam te rogo, Deus meus, ut cédas mihi peccatõri hoc sacrificium celebráre cum

timóre et tremóre, cum cordis puritáte, et lacrymarum fonte, cum lætítia spiritali et cœlésti gáudio. Sentiát mens mea dulcedinem beatíssimæ præsentíæ tuæ et excúbias sanctorum Angelorum tuorum in circúitu meo.

FERIA IV.

EGO enim Dómine, memor venerándæ passiónis tuæ accédo ad altáre tuum, licet peccátor, ut offeram tibi sacrificium, quod tu instituísti, et offerri præcepísti in commemoratióne tua, pro salúte nostra. Súscipe illud, quæso, summe Deus, pro Ecclésia sancta tua, et pro pópulo, quem acquisísti ságuine tuo. Et quóniam me peccatórem inter te, et eúdem pópulum tuum médium esse voluísti, licet in me áliquod boni óperis testimonium non agnóscas, officium saltem dispensatiónis credítae non recúses: nec per me indignum eorum salútis péreat prétium, pro quibus victima salutáris dignátus es esse, et redemptio. Prófero étiam Dómine, (si dignéris propítius intuéri,) tribulatiónes plébum, perícula populorum,

captivorum gémitus, miserias orphanorum, necessitates peregrinorum, inopiam debilium, desperationes languéntium, defectus senum, suspíria juvenum, vota virginum, laménta viduarum.

FERIA V.

TU enim miseréris ónium Dómine: et nihil odísti eorum quæ fécísti. Memoráre quæ sit nostra substántia: quia tu Pater noster es, quia tu Deus noster es, ne irascáris satis, neque multitudinem viscerum tuorum super nos contineas. Non enim in justificatióibus nostris prostérnimus preces ante fáciem tuam, sed in miseratióibus tuis multis. Aufer a nobis iniquitates nostras: et ignem sancti Spíritus in nobis cleménter accénde. Aufer cor lapídeum de carne nostra; et da nobis cor carneum, quod te amet, te díligat, te delectétur, te sequátur, te perfruátur. Orámus Dómine cleméntiam tuam, ut seréno vultu familiam tuam, sacri tui nóminis officia præstolántem, aspícere dignéris: et ut nullíus sit irritum votum, nullíus vácuá po-

stulátio, tu nobis preces súggere, quas ipse propítius audíre, et exaudíre delectéris.

FERIA VI.

ROgámus étiam te, Dómine sancte Pater, et pro spirítibus fidélium defunctorum: ut sit illis salus, sánitas, gáudium, et refrigerium, hoc magnum pietátis sacraméntum. Dómine Deus meus, sit illis hódie magnum, et plenum convívium de te pane vivo, qui de cœlo descendísti, et das vitam mundo, de tua carne sancta, et benedícta, Agni vidélicet immaculáti, qui tollis peccáta mundi, quæ de sancto et glorióso beátæ Virgínis Mariæ útero est assúpta, et de Spíritu sancto concépta, ac de illo pietátis fonte, qui per lanceam militis ex tuo sacratíssimo látere emanávit, ut exínde refécti, et satiáti, refrigeráti, et consoláti, exsúltent in laude, et glória tua. Peto cleméntiam tuam Dómine, ut descendat super panem tibi sacrificándum plenitúdo tuæ benedictiõnis, et sanctificatiõis tuæ divinitátis. Descéndat étiam Dómine illa sancti Spíritus tui invisibilis, in-

comprehensibilisque majestas, sicut quondam in Patrum hostias descendebat, qui et oblationes nostras corpus et sanguinem tuum efficiat, et me indignum sacerdotem doceat tantum tractare mysterium cum cordis puritate, et lacrymarum devotione, cum reverentia, et tremore, ita ut placide, ac benigne suscipias sacrificium de manibus meis ad salutem omnium, tam vivorum, quam defunctorum.

SABBATO.

ROgo etiam te Domine per ipsum sacrosanctum mysterium corporis et sanguinis tui, quo quotidie in Ecclesia tua pascemur, et potamur, abluimur, et sanctificamur, atque unius summæ divinitatis participes efficitur: da mihi virtutes tuas sanctas, quibus replētus, bona conscientia ad altare tuum accedam, ita ut hæc cœlestia sacramenta efficiantur mihi salus, et vita. Tu enim dixisti ore tuo sancto, et benedicto: Panis, quem ego dabo, caro mea est pro mundi vita. Ego sum panis vivus qui de cœlo descendi. Si quis manducaverit ex hoc pane, vi-

vet in ætænum. Panis dulcissime, sana palatum cordis mei, ut sentiam suavitatem amoris tui. Sana illud ab omni languore, ut nullam præter te sentiam dulcedinem. Panis candidissime, habens omnem delectamentum, et omnem saporem, qui nos semper reficis, et nunquam in te deficis: comedat te cor meum, et dulcedine saporis tui repleantur viscera animæ meæ. Manducat te Angelus ore pleno; manducet te peregrinus homo pro modulo suo, ne deficere possit in via, tali recreatus viatico. Panis sancte, panis vive, panis munde, qui descendisti de cœlo, et das vitam mundo, veni in cor meum, et munda me ab omni inquinamento carnis et spiritus. Intra in animam meam, sana et munda me intèrius et extèrius. Esto tutamen, et continua salus animæ et corporis mei. Repelle a me insidiantes mihi hostes: recedant procul a præsentia potentiae tuæ, ut foris et intus per te munitus, recto tramite ad tuum regnum perveniam: ubi non in mysteriis, sicut in hoc tempore

agitur, sed facie ad faciem te videbimus, cum traderis regnum Deo et Patri, et eris Deus omnia in omnibus. Tunc enim me de te satiabis satietate mirifica, ita ut nec esuriam, nec sitiam in ætænum. Qui cum eodem Deo Patre, et Spiritu sancto vivis et regnas per omnia sæcula sæculorum. Amen.

Oratio S. Ambrosii.

Indulgentia 100 dierum. -- Leo PP. XIII. 20 Dec. 1884.

AD mensam dulcissimi convivii tui, pie Domine Jesu Christe, ego peccator de propriis meritis nihil præsumens, sed de tua confidens misericordia et bonitate, accedere vereor et contremisco. Nam cor et corpus habeo multis criminibus maculatum, mentem et linguam non caute custoditam. Ergo, o pia Deditas, o tremenda Majestas, ego miser inter angustias deprehensus, ad te fontem misericordiae recurro, ad te festino sanandus, sub tuam protectionem fugio: et quem judicem sustinere nequeo, salvatorem habere suspiro. Tibi Domine plagas meas ostendo:

tibi verecundiam meam detego. Scio peccata mea multa et magna, pro quibus timeo. Spero in misericordias tuas, quarum non est numerus. Respice ergo in me oculis misericordiae tuæ, Domine Jesu Christe, Rex æternæ, Deus et homo, crucifixus propter hominem. Exaudi me sperantem in te: miserere mei pleni miseriis et peccatis, tu qui fontem miserationis nunquam manare cessabis. Salve salutaris victima, pro me et omni humano genere in patibulo crucis oblata. Salve nobilis et pretiose sanguis, de vulneribus crucifixi Domini mei Jesu Christi profluens, et peccata totius mundi ablans. Recordare Domine creaturæ tuæ, quam tuo sanguine redemisti. Pœnitet me peccasse, cupio emendare quod feci. Aufer ergo a me, clementissime Pater, omnes iniquitates et peccata mea: ut purificatus mente et corpore digne degustare merear Sancta sanctorum: et concede, ut hæc sancta praelibatio corporis et sanguinis tui, quam ego indignus sumere intendo, sit peccatorum

meorum remissio, sit delictorum perfecta purgatio, sit turpium cogitationum effugatio, ac bonorum sensuum regeneratio, operumque tibi placentium salubris efficacia, animæ quoque et corporis contra inimicorum meorum insidias firmissima tutio. Amen.

Oratio S. Thomae Aquinatis.

Indulgentia 100 dierum. — Leo PP. XIII. 20 Dec. 1884.

OMnipotens sempiternus Deus, ecce accedo ad sacramentum unigeniti Filii tui Domini nostri Jesu Christi: accedo tamquam infirmus ad medicum vitæ, immundus ad fontem misericordiæ, cæcus ad lumen claritatis æternæ, pauper et egenus ad Dominum cœli et terræ. Rogo ergo immensæ largitatis tuæ abundantiam, quatenus meam curare digneris infirmitatem, lavare foeditatem, illuminare cæcitatem, ditare paupertatem, vestire nuditatem: ut panem Angelorum, Regem regum, et Dominum dominantium tanta suscipiam reverentia et humilitate, tanta contritione et devotione,

tanta puritate et fide, tali proposito et intentione, sicut expedit salutis animæ meæ. Da mihi, quæso, Domini corporis et sanguinis non solum suscipere sacramentum, sed etiam rem et virtutem sacramenti. O mitissime Deus, da mihi corpus unigeniti Filii tui Domini nostri Jesu Christi, quod traxit de Virgine Maria, sic suscipere, ut corpori suo mystico merear incorporari, et inter ejus membra connumerari. O amantissime Pater, concede mihi dilectum Filium tuum, quem nunc velatum in via suscipere propono, revelata tandem facie perpetuo contemplari. Qui tecum vivit et regnat in unitate Spiritus sancti Deus, per omnia sæcula sæculorum. **R.** Amen.

Alia Oratio.

Deus, qui de indignis dignos facis, et de peccatoribus justos, et de immundis mundos, munda cor et corpus meum ab omni contagione et sordē peccati, et fac me dignum atque strenuum sanctis altaribus tuis ministrum: concede propitius, ut in hoc altari, ad quod indi-

gnus accedo, hostias acceptabiles atque placabiles offeram pietati tuæ pro peccatis et offensionibus, innumerisque et quotidianis excessibus meis, atque cunctorum simul Christianorum culpis abluendis, et per eum sit tibi votum meum acceptabile, qui se tibi Deo Patri pro nobis obtulit sacrificium. Qui tecum vivit et regnat in unitate Spiritus sancti Deus: per omnia sæcula sæculorum. Amen.

Oratio ad B. V. Mariam.

Indulgentia 100 dierum. — Leo PP. XIII. 17 Febr. 1883.

OMater pietatis et misericordiæ, beatissima Virgo Maria, ego miser et indignus peccator ad te confugio toto corde et affectu, et precor pietatem tuam, ut sicut dulcissimo Filio tuo in cruce pendenti astitisti, ita et mihi misero peccatori, et sacerdotibus omnibus hic et in tota sancta Ecclesia hodie offerentibus, clementer assistere digneris, ut tua gratia adjuti, dignam et acceptabilem hostiam in conspectu summæ et individuae Trinitatis offerre valeamus. Amen.

Oratio ad S. Joseph.

Indulgentia 100 dierum. — Pius PP. IX. 4 Febr. 1877.

OFelicem virum beatum Joseph, cui datum est, Deum, quem multi reges voluerunt videre, et non viderunt, audire, et non audierunt: non solum videre et audire, sed portare, deosculari, vestire et custodire!

V. Ora pro nobis, beate Joseph. **R.** Ut digni efficiamur promissionibus Christi.

Orémus.

Deus, qui dedisti nobis regale sacerdotium, præsta quæsumus, ut sicut beatus Joseph unigenitum Filium tuum natum ex Maria Virgine, suis manibus reverenter tractare meruit et portare, ita nos facias cum cordis munditia et operis innocentia tuis sanctis altaribus deservire, ut sacrosanctum Filii tui corpus et sanguinem hodie digne sumamus, et in futuro sæculo præmium habere mereamur æternum. Per eundem Christum Dominum nostrum. Amen.



Oratio ad omnes Angelos et Sanctos.

Indulgentia 100 dierum. — Leo PP. XIII. 20 Dec. 1884.

Angeli, Archàngeli, Throni, Dominatiões, Principátus, Potestátes, Virtútes cœlórum, Chérubim atque Séraphim, omnes Sancti et Sanctæ Dei, præsertim Patróni mei, intercédere dignémini pro me, ut hoc sacrificium Deo omnipoténti digne váleam offé-
re, ad laudem et glóriam nóminis sui, et ad utilitátem meam, totiúsque Ecclésiæ suæ sanctæ. Amen.

Oratio ad Sanctum in cuius honorem Missa celebratur.

Indulgentia 100 dierum. — Leo PP. XIII. 20 Dec. 1884.

O Sancte **N.** ecce ego miser peccátor de tuis méritis confísus, offé-
re nuncinténdo sacratíssimum Sacraméntum cõrporis et sãguinis Dómini nostri Jesu Christi pro tuo honóre et glória : precor te humiliter et devóte, ut pro me hódie intercédere dignéris, ut tantum sacrifi-

cium digne et acceptabiliter offé-
re váleam, et eum tecum, et cum ómnibus eléctis ejus æternáliter laudáre, atque cum eo semper regnáre váleam. Qui vivit et regnat in sæcula sæculórum. Amen.

Formula**intentionis ante Missam.**

Indulgentia 50 dierum. — Gregorius PP. XIII.

EGO volo celebráre Missam, et conficere corpus et sãguinem Dómini nostri Jesu Christi, juxta ritum sanctæ Románæ Ecclésiæ, ad laudem omnipoténtis Dei, totiúsque cúriæ triumphántis, ad utilitátem meam, totiúsque cúriæ militántis, pro ómnibus, qui se commendavérunt oratiõibus meis in génere, et in spécie, ac pro felíci statu sanctæ Románæ Ecclésiæ. Amen.

Gaudium cum pace, spátium veræ poenitentiæ, grátiam, et consolatiõnem sancti Spíritus, perseverántiam in bonis opéribus, tríbuat nobis omnipotens et miséricors Dóminus. Amen.

**Gratiarum actio post Missam.**

Indulgentia unius anni pro recitatione, præter illam consueti Cantici *Benedicite*. et Psalmi *Laudate*. eum Versiculis et tribus Orationibus adnexis, duarum Orat. S. Thomæ *Gratias tibi ago*. et S. Bonaventuræ *Transfige*. (Leo PP. XIII. 20 Dec. 1884.)

Añã. Trium puerórum * cantémushymnum : quem cantábant sancti in camino ignis, benedicétes Dóminum.

In Duplicibus duplicatur. Canticum. *Benedicite*. 21. **In fine non dicitur** Glória.

Psalm. Laudáte Dóminum in sanctis ejus. 23. **In fine** Glória Patri.

Postea repetitur Añã. **Deinde Sacerdos dicit.** Kyrie eléison. Christe eléison. Kyrie eléison. Pater noster.

V. Et ne nos indúcas in tentatiõnem. **R.** Sed libera nos a malo.

V. Confiteántur tibi Dómine ómnia ópera tua. **R.** Et sancti tui benedicant tibi.

V. Exsultábunt sancti in glória. **R.** Lætábuntur in cubílibus suis.

V. Non nobis Dómine, non nobis. **R.** Sed nómini tuo da glóriam.

V. Dómine exáudi oratiõnem meam. **R.** Et clamor meus ad te véniat.

V. Dóminus vobiscum. **R.** Et cum spiritu tuo. **Orémus.**

Deus, qui tribus púeris mitigásti flammam ignium : concéde propítius, ut nos fámulos tuos non exúrat flamma vitiorum.

Actiões nostras, quæsumus Dómine, aspí-
rándo præveni, et adjuvándó proséquere : ut cuncta nostra orátio et

operatio a te semper incipiat, et per te coepta finiatur.

DA nobis, quæsumus Dómine, vitiórum nostrórum flammam extinguere; qui beáto Lauréntio tribuisti tormentórum suórum incéndia superáre. Per Christum Dóminum nostrum. *R.* Amen.

Oratio S. Thomae Aquinatis.

GRátias tibi ago, Dómine sancte, Pater omnipotens, ætérne Deus, qui me peccatórem, indignum fámulum tuum, nullis meis méritis, sed sola dignatióne misericórdiæ tuæ satiáre dignátus es pretiósó corpore et sanguine Fílii tui Dómini nostri Jesu Christi. Et precor, ut hæc sancta commúnio non sit mihi reátus ad pœnam, sed intercessio salutáris ad véniam. Sit mihi armátúra fidei, et scutum bonæ voluntátis. Sit vitiórum meórum evacuatió, concupiscéntiæ et libidinis exterminatió, caritátis et paciéntiæ, humilitátis et obediétiæ, omniúmque virtútum augmentatió: contra insídias inimicórum meórum, tam visibílium quam in-

visibílium, firma defénsio: mótuum meórum, tam carnálium, quam spirituálium, perfécta quietatió: in te uno ac vero Deo firma adhæsió: atque finis mei felix consummatio. Et precor te, ut ad illud ineffábile convívium me peccatórem perducere dignéris: ubi tu cum Fílio tuo et Spíritu sancto, Sanctis tuis es lux vera, satietas plena, gáudium sempitérnum, jucúnditas consummáta, et felicitas perfécta. Per eúdem Christum Dóminum nostrum. Amen.

Oratio S. Bonaventuræ.

TRansfige, dulcissime Dómine Jesu, medúllas et víscera animæ meæ suavíssimo ac salubérrimo amóris tui vulnere, vera, serenáque et apostólica sanctíssima caritate: ut lángueat et liquefiat ánima mea solo semper amóre et desidério tui, te concupíscat, et deficiat in átria tua, cúpiat dissólvi, et esse tecum. Da, ut ánima mea te esúriat, panem Angelórum, refectiõem animárum sanctárum, panem nostrum quotidianum, supersubstantiálem, habéntem om-

nem dulcédinem et sapórem, et omne delectaméntum suavitátis: te, in quem desiderant Angeli prospicere, semper esúriat, et cómedat cor meum, et dulcédine sapóris tui repleántur víscera animæ meæ: te semper sitiát fontem vitæ, fontem sapiétiæ et sciétiæ, fontem ætérni lúminis, torrémentem voluptátis, ubertátem domus Dei; te semper ambiat, te quærat, te invéniat, ad te tendat, ad te pervéniat, te meditétur, te loquátur, et ómnia operétur in laudem et glóriam nóminis tui, cum humilitáte et discretiõe, cum dilectiõe et delectatiõe, cum facilitáte et afféctu, cum perseverántia usque in finem: et tu sis solus semper spes mea, tota fiducia mea, divítiæ meæ, delectatió mea, jucúnditas mea, gáudium meum, quies et tranquillitas mea, pax mea, suávitatis mea, cibis meus, refectiõem mea, refúgium meum, auxiliúm meum, sapiétiá mea, pórtio mea, posséssio mea, thesáurus meus, in quo fixa et firma et immobiliter semper sit radicáta

mens mea, et cor meum. Amen.

Oratio de Passione Domini.

Indulgentia trium annorum. — Pius PP. IX. 11 Dec. 1846.

OBsecro te, dulcissime Dómine Jesu Christe, ut passio tua sit mihi virtus qua múniar, prótegar, atque defendar: vulnere tua sint mihi cibus potúsque, quibus pascar, inébrier, atque delécter: aspérsio sanguíinis tui sit mihi ablútió omniúm delictórum meórum: mors tua sit mihi glória sempitérna. In his sit mihi refectiõem, exsultatiõem, sánitas, et dulcédine cordis mei. Qui vivis et regnas in sæcula sæculórum. Amen.

Vivæ Aspiraciones.

Indulg. 7 ann. semel in die, si hæc Oratio a Sacerdote post Missam recitetur; aliter 300 dierum toties quoties; si vero recitetur quotidie, indulg. plenaria semel in mense, conditionibus ordinariis. — Pius PP. IX. 9 Jan. 1854.

Anima Christi sanctifica me.
Corpus Christi salva me.
Sanguis Christi inébriame.
Aqua láteris Christi lava me.
Passio Christi confórta me.
O bone Jesu exáudi me.

Intra tua vúlnera abscon-
de me.
Ne permittas me separári
a te.
Ab hoste maligno defénde
me.
In hora mortis meæ voca
me;
Et jube me veníre ad te,
Ut cum Sanctis tuis lau-
dem te
In sæcula sæculórum.
Amen.

**Bythmus S. Thomae
Aquínatis.**

Indulgentia 100 dierum. — Leo
PP. XIII. 20 Dec. 1884.

ADóro te devóte, latens
Déitas,
Quæ sub his figúris vere
látitas :
Tibi se cor meum totum
súbjicit,
Quia te contémpans, to-
tum déficit.
Visus, tactus, gustus in te
fállitur,
Sed auditu solo tuto cré-
ditur :
Credo quidquid dixit Dei
Fílius,
Nil hoc verbo Veritátis
vérius.
In cruce latébat sola Déi-
tas,
At hic latet simul et hu-
mánitas :
Ambo tamen credens,
atque cónfitens,

Peto quod petívit latro
pœnitens.
Plagas, sicut Thomas, non
intúeor,
Deum tamen meum te
confíteor :
Fac me tibi semper magis
crédere,
In te spem habére, te dilí-
gere.
O memoriále mortis Dó-
mini,
Panis vivus vitam præ-
stans hómini :
Præsta meæ menti de te
vívère,
Et te illi semper dulce
sápere.
Pie pellicáne Jesu, Dó-
mine,
Me immúndum munda
tuo ságuine :
Cujus una stilla salvum
fácere
Totum mundum quit ab
omni scélere.
Jesu, quem velátum nunc
aspício,
Oro, fiat illud, quod tam
sítio :
Ut te reveláta cernens
fácie,
Visu sim beátus tuæ gló-
riæ. Amen.
Ad SS. Cor Jesu.
V. Cor Jesu flagrans amó-
re nostri.
R. Inflámma cor nostrum
amóre tui.

Orémus.

Concède quæsumus om-
nípotens Deus, ut qui
in sanctissimo dilécti
Fílii tui corde gloriántes,
præcipua in nos caritátis
ejus beneficia recólimus;
eórum páriter et actu de-
lectémur, et fructu. Per
eúmdem Christum Dómi-
num nostrum. Amen.

Oratio ad B. V. Mariam.

Indulgentia 100 dierum. — Leo
PP. XIII. 20 Dec. 1884.

O María, Virgo et Ma-
ter sanctíssima, ecce
suscépi dilectíssimum Fí-
lium tuum, quem immacu-
láto útero tuo concepísti,
genuísti, lactásti atque
suavíssimis amplexibus
strinxísti. Ecce, cujus
aspéctu lætabáris, et óm-
nibus delíciis replebáris,
illum ipsum tibi humíliter
et amánte repræsénto, et
óffero tuis bráchiis con-
stringéndum, tuo corde
amándum, sanctíssimæ-
que Trinitáti in suprémum
latriæ cultum, pro
tui ipsius honóre et gló-
ria, et pro meis, totiúsque
mundi necessitátibus of-
feréndum. Rogo ergo te
piússima Mater, ímpetra
mihi véniam ómnium pec-
catórum meórum, uberém-
que grátiam ipsi deinceps

fidélius serviéndi, ac déni-
que grátiam finálem, ut
eum tecum laudáre possim
per ómnia sæcula sæculó-
rum. Amen.

Oratio S. Augustini.

O Sacratíssima, o sere-
níssima et ínclýta
gloriósa Virgo María, quæ
Creatórem ómnium crea-
turárum in tuo sacratís-
simo útero fuísti digna
portáre, sólaque virgíneo
úbere lactáre : cujus vera-
císsimum, sacrumque cor-
pus et ságuinem ego
indígnus peccátor modo
súmère præsumpsi, tuam
humíliter déprecór mise-
ricórdiam, ut apud ipsum
pro me peccatóre intercédere
dignéris; ut quidquid
in hoc tam ineffábili, ac
digníssimo sacrificio, per
me indígnum, ignoránte,
vel negligénte, aut acci-
dentáliter, seu irreverén-
ter, scílicet in tractádo et
suméndo, ac ministrádo
actum est, commissum, vel
omíssum, tuis sacratís-
símis précibus indulgére di-
gnétur idem Dóminus nos-
ter Jesus Christus Fílius
tuus, qui cum Patre et
Spíritu sancto vivit et re-
gnat in sæcula sæculó-
rum. Amen.

Oratio ad S. Joseph.

Indulgentia 100 dierum. — Pius PP. IX. 4 Febr. 1877.

Virginum custos et pater, sancte Joseph, cujus fideli custodiæ ipsa innocentia Christus Jesus et Virgo Virginum Maria commissa fuit: Te per hoc utrúmque carissimum pignus Jesum et Mariam obsecro et obtestor, ut me ab omni immunditia præservatum, mente incontaminata, puro corde, et casto corpore, Jesu et Mariæ semper facias castissime famulari. Amen.

Oratio ad D. N. J. C. crucifixum.

Indulgentia plenaria pro illis qui, peracta sacramentali Confessione et sacra Communionem refecti, sequentem Orationem ante quamcumque D. N. J. C. crucifixi imaginem recitaverint, et pro S. Matris Ecclesiæ necessitatibus oraverint. — Pius PP. IX. 31 Julii 1858.



EN ego, o bone et dulcissime Jesu, ante conspectum tuum genibus me provólvo, ac máximo animi ardóre te oro, atque obtestor, ut meum in cor vívidos fidei, spei et caritátis sensus, atque veram peccatorum meorum pœnitentiam, eaque emendandi firmissimam voluntatem velis imprimere: dum magno animi afféctu et dolóre tua quinque vúlnera mecum ipse considero, ac mente contéplor, illud præ óculis habens, quod jam in ore ponébat tuo David prophéta de te, o bone Jesu: Foderunt manus meas et pedes meos: dinumeravérunt ómnia ossa mea. (Ps. xxj.)

Oblatio sui.

Indulgentia 300 dierum. — Leo PP. XIII. 26 Maii 1883.

Suscipe Dómine univérsam meam libertatem. Accipe memóriam, intelléctum, atque voluntatem omnem. Quidquid hábeo, vel possídeo, mihi largítus es: id tibi totum restítuo, ac tuæ prorsus voluntáti tradogubernandum. Amórem tui solum cum grátia tua mihi dones, et dives sum satis, nec áliud quidquam ultra posco.

Quinque Puncta

ANTE VEL POST COMMUNIONEM UTILISSIME RECITANDA.

I. Detéstor et abóminor ómnia et síngula peccáta mea, et ómnium aliórum commíssa ab initio mundi usque in hanc horam, et deinceps usque ad finem mundi committénda: et, si possem, impedírem per grátiam Dei, quam supplex ínvocho.

II. Laudo et áprobo ómnia bona ópera, facta a princípio mundi usque in hanc horam, et deinceps usque in finem mundi faciénda: et, si possem, ea multiplicárem per grátiam Dei, quam supplex ínvocho.

III. Inténdo ómnia fácere, dícere et cogítare ad majórem Dei glóriam, cum ómnibus illis bonis intentiónibus, quas Sancti unquam habuérunt, vel habébunt, vel habére possunt.

IV. Ignóscó et dimítto ex toto corde meo ómnibus inimícis meis, ómnibus me calumniántibus, ómnibus mihi detrahéntibus, ómnibus quocúmque modo mihi nocéntibus, vel voléntibus mala.

V. Utinam omnes hómines salváre possem moriéndo pro síngulis! Libénter id fácerem per grátiam Dei, quam proptérea suppliciter implóro, et sine qua nihil possum.

Oratio Clementis Papæ xj.

Credo Dómine! sed credam firmius. Spero Dómine! sed sperem securius. Amo Dómine! sed amem ardéntius. Dóleo Dómine! sed dóleam vehémentius.

Adóro te, ut primum princípium: desídero, ut finem últimum: laudo, ut benefactórem perpétuum: ínvocho, ut defensórem propítium.

Tua me sapiéntia dírige: justítia cóntine: cleméntia soláre: poténtia prótege. Offero tibi Deus cogitanda, ut sint ad te: dicénda, ut sint de te: faciénda, ut sint secúndum te: ferénda, ut sint propter te.

Volo, quod vis: volo, quia vis: volo, quómodo vis: volo, quám diu vis.

Oro Dómine! intelléctum illúmines: voluntatem in-

flàmnes : corpus emún-
des : ánimam sanctífices.
Désfleam prætéritas iniqui-
tátes : repéllam futúras
tentatiónes : córrigam vi-
tiosas propensiónes : exco-
lam idóneas virtútes.

Tribue mihi bone Deus
amórem tui : ódium mei :
zelum próximi : contém-
ptum mundi.

Stúdeam superióribus
obedire : inferióribus sub-
venire : amícis consúlere :
inimícis párcere.

Vincam voluptátem au-
steritáte : avarítiam largi-
táte : iracúndiam lenitáte :
tepiditátem pietáte.

Redde me prudéntem in
consíliis : constántem in
perículis : patiéntem in
advérsis : húmílem in pró-
speris.

Fac Dómine, ut sim in

oratióne atténtus : in épu-
lis sóbrius : in múnere
sédulus : in propósito fir-
mus.

Curem habére innocén-
tiam interiórem : modé-
stiam exteriórem : con-
versatiónem exemplárem :
vitam regulárem.

Natúræ invígílem do-
mándæ : grátiae fovéndæ :
legi servándæ : salúti pro-
meréndæ.

Discam a te, quam ténue,
quod terrénum : quam
grande, quod divínium :
quam breve, quod tempo-
ráneum : quam durábile,
quod ætérnum.

Da, mortem prævéniám :
judícium pertímeam : in-
férnum effúgiam : para-
dísium obtíneam. Per Chri-
stum Dóminum nostrum.
Amen.

Litaniæ Sanctíssimi Nominis Jesu.



Yrie eléison.
Christe eléison.
Kyrie eléison.
Jesu audí nos.
Jesu exáudi nos.
Pater de cœlis Deus, Mise-
rère nobis.
Fili Redémptor mundi
Deus, miserére nobis.
Spiritus sancte Deus, mi-
serére nobis.

Sancta Trínitas unus Deus,
miserére nobis.
Jesu Fili Dei vivi,
Jesu splendor Patris,
Jesu candor lucis ætér-
næ,
Jesu rex glóriæ,
Jesu sol justítiae,
Jesu Fili Mariæ Virgínis,
Jesu amábilis,
Jesu admirábilis,

miserére nobis.

Jesu Deus fortis,
Jesu pater futúri sæ-
culi,

Jesu magni consílii An-
gele,

Jesu potentíssime,
Jesu patientíssime,

Jesu obedientíssime,
Jesu mitis et húmilis
corde,

Jesu amátor castitátis,
Jesu amátor noster,

Jesu Deus pacis,
Jesu auctor vitæ,

Jesu exémplar virtú-
tum,

Jesu zelátor animárum,
Jesu Deus noster,

Jesu refúgium nostrum,
Jesu pater páuperum,

Jesu thesáure fidélium,
Jesu bone pastor,

Jesu lux vera,
Jesu sapiéntia ætérna,

Jesu bónitas infinita,
Jesu via et vita nostra,

Jesu gáudium Angeló-
rum,

Jesu rex Patriarchá-
rum,

Jesu magíster Aposto-
lórum,

Jesu doctor Evangeli-
stárum,

Jesu fortitúdo Mártý-
rum,

Jesu lumen Confessó-
rum,

Jesu púritas Virgínium,

Jesu coróna Sanctórum
ómnium, miserére no-
bis.

Propítius esto, Parce nobis
Jesu.

Propítius esto, Exáudi nos
Jesu.

Ab omni malo, Libera nos
Jesu.

Ab omni peccáto,
Ab ira tua,

Ab insidiis diaboli,
A spíritu fornicatió-
nis,

A morte perpétua,
A negléctu inspiratió-
num tuárum,

Per mystérium sanctæ
incarnatiónis tuæ,

Per nativitátem tuam,

Per infántiam tuam,

Per diviníssimam vi-
tam tuam,

Per labóres tuos,

Per agoníam et passió-
nem tuam,

Per crucem et dereli-
ctiόnem tuam,

Per languóres tuos,
Per mortem et sepultú-
ram tuam,

Per resurrectiόnem
tuam,

Per ascensiόnem tuam,
Per gáudia tua,

Per glóriam tuam,
Agnus Dei, qui tollis pec-
cáta mundi, Parce no-
bis Jesu.

libera nos Jesu.

miserére nobis.

Agnus Dei, qui tollis peccata mundi, Exaudi nos Jesu.

Agnus Dei, qui tollis peccata mundi, Miserere nobis Jesu.

Jesu audi nos.

Jesu exaudi nos.

Orémus.

Domine Jesu Christe, qui dixisti : Pétite, et accipiétis; quærite, et inveniétis; pulsáte, et aperiétur vobis : quæsumus, da nobis peténtibus divínissimi tui amóris afféctum, ut te toto corde, ore

et ópere diligámus, et a tua nunquam laude cessemus.

Sancti Nóminis tui Dómine timórem páriter et amórem fac nos habére perpétuum : quia nunquam tua gubernatióne destítuis, quos in soliditáte tuæ dilectiónis instítuis. Per Dóminum nostrum Jesum Christum Fílium tuum : Qui tecum vivit et regnat in unitáte Spíritus sancti Deus, per ómnia sæcula sæculórum. **R.** Amen.

Litaniæ de Sacratissimo Corde Jesu.



Kyrie eléison.
Christe eléison.
Kyrie eléison.

Christe audi nos.

Christe exaudi nos.

Pater de cœlis Deus, Miserere nobis.

Fili Redemptor mundi Deus, miserere nobis.

Spíritus sancte Deus, miserere nobis.

Santa Trínitas unus Deus, miserere nobis.

1. Cor Jesu, Fílii Patris ætérni, miserere nobis.

2. Cor Jesu, in sinu Virgínis Matris a Spíritu sancto formátum, miserere nobis.

3. Cor Jesu, Verbo Dei substantiáliter unitum, miserere nobis.

4. Cor Jesu, Majestátis infinitæ, miserere nobis.

5. Cor Jesu, Templum Dei sanctum, miserere nob.

6. Cor Jesu, Tabernaculum Altíssimi, miserere nobis.

7. Cor Jesu, Domus Dei et porta cœli, miserere nobis.

8. Cor Jesu, fornax ardens caritátis, miserere nobis.

9. Cor Jesu, justítie et amóris receptáculum, miserere nobis.

10. Cor Jesu, bonitáte et amóre plenum, miserere nobis.

11. Cor Jesu, virtútum ómnium abyssus, miserere nobis.

12. Cor Jesu, omni laude digníssimum, miserere nobis.

13. Cor Jesu, rex et centrum ómnium córdium, miserere nobis.

14. Cor Jesu, in quo sunt omnes thesáuri sapiéntie et sciéntie, miserere nobis.

15. Cor Jesu, in quo hábitat omnis plenitúdo divinitátis, miserere nob.

16. Cor Jesu, in quo Pater sibi bene compláuit, miserere nobis.

17. Cor Jesu, de cujus plenitúdine omnes nos acépimus, miserere nob.

18. Cor Jesu, desidérium cóllium æternórum, miserere nobis.

19. Cor Jesu, pátiens et multæ misericórdie, miserere nobis.

20. Cor Jesu, dives in omnes qui invocant Te, miserere nobis.

21. Cor Jesu, fons vitæ et sanctitátis, miserere n.

22. Cor Jesu, propitiatio pro peccátis nostris, miserere nobis.

23. Cor Jesu, saturátum oppróbrii, miserere nobis.

24. Cor Jesu, attritum propter scélera nostra, miserere nobis.

25. Cor Jesu, usque ad mortem obédiens factum, miserere nobis.

26. Cor Jesu, lancea perforátum, miserere nobis.

27. Cor Jesu, fons totius consolatiónis, miserere nobis.

28. Cor Jesu, vita et resurréctio nostra, miserere nobis.

29. Cor Jesu, pax et reconciliatio nostra, miserere nobis.

30. Cor Jesu, víctima peccatórum, miserere nobis.

31. Cor Jesu, salus in Te sperántium, miserere nobis.

32. Cor Jesu, spes in Te moriéntium, miserere nobis.

33. Cor Jesu, deliciae Sanctórum ómnium, miserere nobis.

Agnus Dei, qui tollis peccata mundi, Parce nobis Dómine.

Agnus Dei, qui tollis peccata mundi, Exaudi nos Dómine.

Agnus Dei, qui tollis peccata mundi, Miserere n.
V. Jesu mitis et humilis Corde.

R. Fac cor nostrum secundum Cor tuum.
 Orémus.

Omnipotens sempiternus Deus, respice in Cor dilectissimi Filii tui, et in laudes et satisfactions,

quas in nomine peccatorum tibi persolvit, iisque misericordiam tuam petentibus Tu veniam concede placatus, in nomine ejusdem Filii tui Jesu Christi, qui tecum vivit et regnat in unitate Spiritus sancti Deus, per omnia secula seculorum.
R. Amen.

Litaniæ Lauretanæ B. Mariæ V.



Kyrie eléison.
 Christe eléison.
 Kyrie eléison.

Christe audi nos.
 Christe exaudi nos.
 Pater de cœlis Deus, Miserere nobis.
 Fili Redemptor mundi Deus, miserere nobis.
 Spiritus sancte Deus, miserere nobis.
 Sancta Trinitas unus Deus, miserere nobis.
 Sancta Maria, Ora pro nobis.
 Sancta Dei Genitrix,
 Sancta Virgo virginum,
 Mater Christi,
 Mater divinæ gratiæ,
 Mater purissima,
 Mater castissima,
 Mater inviolata,
 Mater intemerata,
 Mater amabilis,

Mater admirabilis,
 Mater Creatoris,
 Mater Salvatoris,
 Virgo prudentissima,
 Virgo veneranda,
 Virgo prædicanda,
 Virgo potens,
 Virgo clemens,
 Virgo fidelis,
 Spéculum justitiæ,
 Sedes sapientiæ,
 Causa nostræ lætitiæ,
 Vas spirituale,
 Vas honorabile,
 Vas insigne devotio-
 nis,
 Rosa mystica,
 Turris Davidica,
 Turris eburnea,
 Domus aurea,
 Fœderis arca,
 Jánua cœli,
 Stella matutina,
 Salus infirmorum,

ora pro nobis.

ora pro nobis.

Refúgium peccatorum,
 Consolátrix afflictorum,
 Auxílium Christianorum,
 Regína Angelórum,
 Regína Patriarchárum,
 Regína Prophetárum,
 Regína Apostolórum,
 Regína Mártyrum,
 Regína Confessórum,
 Regína Virginum,
 Regína Sanctórum ómnium,
 Regína sine labe originali concépta,
 Regína sacratissimi Rosárii,
 Agnus Dei, qui tollis peccata mundi, Parce nobis Dómine.

ora pro nobis.

Agnus Dei, qui tollis peccata mundi, Exaudi nos Dómine.

Agnus Dei, qui tollis peccata mundi, Miserere nobis.

V. Ora pro nobis sancta Dei Genitrix. **R.** Ut digni efficiámur promissionibus Christi.

Orémus.

Concède nos famulos tuos, quæsumus Dómine Deus, perpétua mentis et corporis sanitate gaudere : et gloriósa beatæ Mariæ semper Virginis intercessióne, a præsentí liberári tristitia, et æterná perfrui lætítia. Per Christum Dóminum nostrum.

R. Amen.

